



Terbit pada Sabtu minggu pertama setiap bulan

# Berita Sawit

MPOB Menjana Perubahan Industri Sawit

**BH**  
Berita Harian

# MPIC, MPOB terus usaha majukan sawit

» **Dato Sri Douglas Uggah, Dato' Noriah adakan lawatan kerja ke MPOB**

Oleh Che Johari Mamat  
mjhohari@mpob.gov.my

■ Bangi

Kementerian Perusahaan Perladangan dan Komoditi (MPIC) bersama MPOB akan meneruskan usaha meningkatkan pembangunan dan kemajuan industri sawit negara.

Dato Sri Douglas Uggah Embas, Menteri Perusahaan Perladangan dan Komoditi berkata demikian semasa mengadakan lawatan kerja ke MPOB bersama Timbalannya, Dato' Noriah Kasnon. Lawatan Dato Sri Douglas ke MPOB adalah yang kedua dalam siri lawatan ke agensi di bawah Kementerian Perusahaan Perladangan dan Komoditi selepas dilantik ke jawatan berkenaan pada 16 Mei 2013.

Semasa lawatan kerja ke MPOB, beliau diberi taklimat mengenai MPOB dan perkembangan industri sawit negara oleh Datuk Dr Choo Yuen May, Ketua Pengarah MPOB.

#### Capai sasaran ditetapkan

Dato Sri Douglas menegaskan bagi mencapai matlamat peningkatan pendapatan industri sawit kepada RM178 bilion menjelang tahun 2020, adalah amat penting bagi MPIC dan MPOB bersama pihak industri memastikan pelaksanaan Projek-Projek Permu-laan di bawah Bidang Ekonomi Utama Negara (NKEA) Sawit mencapai sasaran yang ditetapkan.

Usaha MPOB mengadakan interaksi dengan pihak terlibat dalam industri dan usaha memperkembangkan pasaran minyak sawit di luar negara adalah amat bertepatan bagi meningkatkan kemajuan industri sawit negara.

Turut mengiringi beliau ialah

Ketua Setiausaha Kementerian Perusahaan Perladangan dan Komoditi, Datin Paduka Nurmala Abdul Rahim dan pegawai kanan kementerian.

Dato Sri Douglas juga turut melawat kemudahan penyelidikan yang ditempatkan di Kompleks Ibu Pejabat MPOB meliputi loji rintis majerin dan dapur demonstrasi yang menyediakan produk makanan berdasas sawit, loji rintis biodiesel, galeri sawit dan pameran teknologi yang dihasilkan oleh MPOB.

#### Taklimat Ketua Pengarah

Datuk Dr Choo Yuen May dalam taklimatnya menerangkan mengenai MPOB serta strategi dan aktiviti yang dijalankan MPOB bagi manfaat industri sawit negara



Ketibaan Dato Sri Douglas Uggah Embas disambut oleh Ketua Pengarah MPOB, Datuk Dr Choo Yuen May dan Datin Paduka Nurmala Abdul Rahim sempena lawatan kerja ke MPOB.



## MPOB TRANSFER OF TECHNOLOGY SEMINAR

GAIN OPPORTUNITIES WITH NEW OIL PALM TECHNOLOGIES.

The MPOB Transfer of Technology Seminar (TOT) is back. The TOT Seminar 2013 will share 15 latest technologies and 10 new services with the oil palm industry. The Seminar is also a platform for business matching and networking among small, medium and large enterprises.

#### LOOK FORWARD TO:

- Latest technologies and services for business opportunities
- Networking and business matching
- Interact with investors and entrepreneurs
- Adopt new products, services and technologies

#### FEATURED TECHNOLOGY IN CLUSTERS:

- |                        |                |
|------------------------|----------------|
| • Plantation           | • Food         |
| • Plant Protection     | • Oleochemical |
| • Farm Machinery       | • Services     |
| • Milling & Processing |                |



DATE : 20th June 2013

TIME : 8:00AM - 3:30PM

VENUE : MPOB Head Office, Bangi, Selangor

REGISTRATION FEE : RM50.00

Call to register or log on to [www.mpob.gov.my](http://www.mpob.gov.my)

Rubaah Masri 03-8769 4567 / Salmah Hussin 03-8769 4873

Come also to MPOB 6th Graduate Students Assistantship Scheme (GSAS) Seminar on 21<sup>st</sup> June 2013 for FREE!



MALAYSIAN PALM OIL BOARD (MPOB)  
No.6, Persiaran Institusi, Bandar Baru Bangi,  
43000 Kajang, Selangor, Malaysia.  
Tel: 603-8769 4400 Fax: 603-8926 9446

**Industri** sawit negara mencapai satu tahap pembangunan yang amat membanggakan. Bagi tahun 2012, 18.79 juta tan minyak sawit dihasilkan dan nilai produk sawit dieksport berjumlah RM73.26 juta. Kawasan tanaman sawit pula mencapai 5.08 juta hektar iaitu kenaikan hanya sebanyak 0.08 juta hektar atau 1.6 peratus berbanding keluasan tahun sebelumnya. Pola mendatar ini bermakna pertumbuhan industri sawit tidak boleh lagi bergantung kepada penambahan keluasan penanaman semata-mata.

Bagi mencapai pertumbuhan industri, strategi dirangka MPOB ialah strategi serampang tiga mata, iaitu meningkatkan pendapatan melalui peningkatan produktiviti, aktiviti tambah nilai dan menuju ke arah industri buangan sifar. Justeru, dalam Program Transformasi Ekonomi bagi sektor sawit, sasaran pertumbuhan Pendapatan Negara Kasar (Gross National Income) (GNI) sebanyak RM125 bilion iaitu dari RM52.7 bilion pada 2009 ke RM178 bilion menjelang 2020 yang sebahagian besarnya dijangka diperoleh daripada peningkatan produktiviti serta penambahan nilai yang dilakukan secara mampan.

Peranan inovasi dan teknologi baru melalui penyelidikan dan pembangunan amat penting bagi mencapai pertumbuhan industri sawit. Misalnya bagi meningkatkan produktiviti di peringkat huluhan, penyelidikan untuk mendapatkan bahan tanaman berhasil tinggi, mencipta formulasi baja yang optimum serta mesra alam, merangka amalan pertanian terbaik serta menangani masalah penyakit dan makhluk perosak pokok sawit adalah amat penting.

Dalam usaha mendapatkan bahan tanaman berhasil tinggi, MPOB mengumpulkan koleksi germplasma sawit yang terbesar di dunia dan menghasilkan bahan tanaman seperti PS1 yang diedarkan kepada industri. Formulasi baja seperti F1, F2, serta jentera memunggah buah tandan segar ‘grabber’, mesin penuai ‘CANTAS’, racun makhluk perosak berasaskan biologi seperti metarhizium dan bacillus thuringiensis, juga dikomersialkan dan diterima pakai industri.

Dalam aspek penambahan nilai pula, MPOB berjaya memperkenalkan produk makanan seperti minyak sawit merah berjenama ‘Carotino’ yang mengandungi kandungan karotena tinggi, minyak sawit berjenama ‘Smart Balance’ dan ‘Novelin’ yang merupakan minyak nilai tinggi dengan kandungan asid mono tak tepu, poli tak tepu serta tepu yang seimbang dan baik untuk kesihatan. Di samping itu, produk bukan makanan berasaskan sawit seperti biobahan api, bahan kosmetik dan penjagaan diri, poliuretana, dakwat cetak dan lain-lain juga berjaya dihasilkan.

Dalam usaha menuju ke arah buangan sifar, teknologi seperti pemerangkapan biogas dari efluen kilang sawit untuk digunakan sebagai bahan api, pengeluaran papan lapis daripada batang pokok sawit serta pengeluaran papan gentian ketumpatan sederhana dan biokompos daripada biojisim sawit dikomersialkan. Usaha penyelidikan dan pembangunan bagi menggunakan biojisim untuk pengeluaran biobahan api generasi kedua (misalnya bio-oil dan bioetanol) serta bio kimia masih dijalankan.

Setiap tahun MPOB menganjurkan seminar pemindahan teknologi bagi memperkenalkan teknologi dibangunkan MPOB untuk diterima pakai industri dan dikomersialkan. Setakat ini, 527 teknologi dan produk baru dilancarkan dan 30.7 peratus daripada jumlah itu dikomersialkan.

Untuk tahun ini, Seminar Pemindahan Teknologi diadakan pada 20 Jun 2013. Sebanyak 15 teknologi baru dan 10 hasil penyelidikan berkenaan dengan pemberian perkhidmatan dilancarkan. Antara teknologi baru termasuk mesin memproses biojisim sawit, amalan pengurusan terbaik bagi tanaman di tanah gambut, lepa coklat low sugar/sugar free serta lain-lain ciptaan penyelidik MPOB. Semua adalah dijemput menghadiri seminar ini di MPOB. Maklumat lanjut boleh diperoleh di <http://www.mpopb.gov.my>

Dengan penghasilan teknologi baru dan inovasi dari MPOB, institusi penyelidikan serta industri, semoga industri sawit negara dapat mencapai pertumbuhan disasarkan dan menyumbang kepada aspirasi negara mencapai status negara maju menjelang 2020.



MINDA  
Datuk Dr Choo  
Yuen May

Ketua Pengarah  
MPOB

# Hello Komoditi tingkat pengetahuan masyarakat

» Pendekatan pertingkat pengetahuan kepentingan tanaman, produk

Oleh Noor Asmawati  
Abdul Samad  
watie@mpob.gov.my

► Putrajaya

**K**ementerian Perusahaan Perladangan dan Komoditi (MPIC) menganjurkan Program Hello Komoditi sempena Festival Belia Putrajaya 2013 yang diadakan di sini, baru-baru ini.

Program berkenaan juga buat julung kali dihadiri oleh Menteri Perusahaan Perladangan dan Komoditi, Dato Sri Douglas Uggah Emas dan Timbalannya, Dato' Noriah Kasnon yang baru dilantik mengetuai MPIC.

Program Hello Komoditi adalah pendekatan untuk bertemu masyarakat bagi meningkatkan kesedaran dan pengetahuan mengenai kepentingan tanaman komoditi utama negara dan produk-produk berasaskan komoditi.

Program yang dianjur bersama agensi di bawah MPIC iaitu

Lembaga Minyak Sawit Malaysia (MPOB), Lembaga Getah Malaysia (LGM), Lembaga Perindustrian Kayu Malaysia (MTIB), Lembaga Koko Malaysia (LKM), Lembaga Lada Malaysia (LLM) dan Lembaga Kenaf dan Tembakau Negara (LTKN).

MPIC bertanggungjawab terhadap pembangunan industri komoditi utama negara iaitu minyak sawit, getah, kayu-kayan, koko, tembakau, kenaf dan lada hitam.

## Peranan MPIC

Melalui Program Hello Komoditi ini, kementerian dan agensi di bawahnya dapat menerangkan kepada masyarakat mengenai peranan serta kemudahan yang disediakan oleh MPIC dan agensi di bawahnya.

Program Hello Komoditi berjaya memupuk dan menarik minat masyarakat terutama golongan belia untuk mendalami peluang pekerjaan di sektor perladangan dan sektor berkaitan.

Penyertaan Hello Komoditi terbuka kepada semua lapisan masyarakat dengan tumpuan kepada pekebun kecil untuk memanfaatkan aktiviti yang dianjurkan semasa program ini berlangsung.

Ia juga menyediakan maklumat mengenai untuk meningkatkan pendedahan dan kesedaran kepada pekebun kecil me-

ngan kewujudan kemudahan, insentif, skim bantuan dan galakan yang disediakan oleh agensi-agensi di bawah MPIC bagi membantu meningkatkan hasil pengeluaran dan pendapatan pekebun kecil.

Program berkenaan turut membabitkan penyertaan golongan belia, pelajar dan masyarakat umum yang berminat mencari bidang keusahawanan dalam sektor komoditi seperti produk berasaskan sawit dan komoditi lain.

Penganjuran program seumpama ini memberi manfaat kepada masyarakat setempat bagi menambah pengetahuan serta meningkatkan kesedaran masyarakat untuk mencari bidang keusahawanan yang sekali gus memberikan pulangan ekonomi yang baik.

## Program diperluaskan

Sekjak dilaksanakan pada 2011, Hello Komoditi sudah diadakan di beberapa lokasi di seluruh negara seperti di Sibu, Jerantut, Kuala Pilah, Tawau dan Kuala Selangor. Penganjuran Program Hello Komoditi diperluaskan meliputi kawasan Penampang, Tambaruli, Sipitang, Putatan di Sabah, serta Bagan Serai dan Selama di Perak dan Kota Tinggi di Johor.

Terbaru, Hello Komoditi diadakan di Tambunan, Sabah; dan Pagoh, Johor.



Ketua Pengarah MPOB, Datuk Dr Choo Yuen May memberi penjelasan berkaitan sawit kepada Dato Sri Douglas Uggah Embas dan Ketua Setiausaha MPIC, Datin Paduka Nurmala Abdul Rahim ketika melawat pameran MPOB sempena Program Hello Komoditi di Putrajaya.

# Lawatan perwakilan EU berjaya

» Kunjungan kumpul maklumat industri sawit Malaysia

Oleh Norazura Aila Mohd Hassim  
azuraila@mpob.gov.my

■ Bangi

**S**eramai 14 perwakilan Kesatuan Eropah yang terdiri Ahli Parlimen Kesatuan Eropah (EU), wakil Forum Tenaga Eropah dan Neste Oil mengadakan lawatan ke MPOB baru-baru ini.

Delegasi diketuai Ahli Parlimen EU yang juga Presiden Forum Tenaga Eropah, Giles Chichester. Ahli Parlimen EU lain turut serta dalam kunjungan ini ialah Alejo Vidal-Quadras, Krista Klass, Roger Helmer dan Christian Silvius Busoi.

Ketibaan delegasi disambut dan diberi taklimat oleh Ketua Pengarah MPOB, Datuk Dr Choo Yuen May.

Pada Oktober 2012, Suruhanjaya Eropah mencadangkan pindaan kepada perundangan Re-

newable Energy Directive (RED) dan Fuel Quality Directive (FQD). Sejak itu, isu perubahan penggunaan tanah secara tidak langsung (ILUC) menjadi topik hangat yang diperdebatkan di EU.

Justeru, kunjungan delegasi ini bertujuan untuk mengumpul maklumat mengenai industri sawit Malaysia khususnya aktiviti kemampunan yang dipraktikkan Malaysia bagi membantu di dalam menyediakan fakta dalam usaha mereka merangka cadangan pindaan perundangan tersebut.

#### Sedia pelbagai program

Pelbagai program diatur sepanjang kunjungan ini seperti perbincangan makan malam yang memfokuskan kepada pembangunan mampan biobahan api, lawatan ke ladang Sime Darby, Carey Island and lawatan ke MPOB.

Jamuan makan malam bagi meraka delegasi dari Eropah ini dihoskan oleh Ketua Pengarah MPOB diselitkan juga dengan perbincangan mengenai pembangunan mampan biobahan api.

Program ini dihadiri 50 jemputan terdiri wakil industri sawit Malaysia, badan bukan kerajaan seperti Roundtable on Sustainable Palm Oil (RSPO) dan persatuan berkaitan sawit seperti Malaysian Biodiesel Association (MBA), Malaysian Palm Oil Association (MPOA) dan National Association



Datuk Dr Choo Yuen May, Ketua Pengarah MPOB (tengah) bersama Giles Chichester, Ahli Parlimen Kesatuan Eropah merangkap Presiden Forum Tenaga Eropah (kiri) dan Alejo Vidal-Quadras, Ahli Parlimen Kesatuan Eropah (kanan) semasa Perbincangan Makan Malam mengenai 'Pembangunan Mampan Biobahan Api'.

of Smallholders Malaysia (NASH).

Semasa perbincangan makan malam ini, wakil industri dan persatuan berkaitan sawit dari Malaysia berpeluang berkongsi maklumat berkenaan usaha kemampunan yang dipraktikkan di organisasi mereka dan menyatakan kebimbangan mereka mengenai cadangan pindaan perundangan RED dan FQD.

Lawatan ke ladang Sime Darby, Carey Island memberi peluang kepada delegasi untuk melihat

secara dekat operasi perladangan yang memberi penekanan kepada Pengurusan Perosak Bersepadu (IPM) dan Amalan Pertanian Baik (GAP). Delegasi ini juga telah diberi taklimat mengenai aktiviti pemprosesan kilang sawit semasa lawatan ke East Oil Mill.

Semasa kunjungan delegasi ke MPOB, Datuk Dr Choo Yuen May membentangkan kertas kerja bertajuk 'Amalan Mampan Industri Sawit Malaysia'.

Alejo Vidal-Quadras menyata-

kan bahawa pembentangan kertas kerja ini memberikan maklumat yang terperinci mengenai industri sawit Malaysia berkaitan usaha kemampunan yang dijalankan.

#### Melawat ABBC

Delegasi ini turut dibawa melawat Pusat Kemajuan Teknologi dan Biak Baka (ABBC) selepas selesai pembentangan kertas kerja dan perbincangan.

MPOB berharap melalui kunjungan ini, usaha kemampunan yang telah dipraktikkan di Malaysia diberi pertimbangan sewajarnya oleh Kesatuan Eropah dalam merangka cadangan pindaan undang-undang ke atas RED dan FQD.

Pada masa yang sama, MPOB akan meneruskan usaha untuk memastikan pasaran eksport biodiesel sawit tidak terjejas. Ini termasuk menjalankan penyelidikan bagi mencabar data yang digunakan dalam pengiraan pengurangan pelepasan gas rumah hijau (GHG) dan impak biodiesel terhadap faktor ILUC.

Tambah pula, usaha bagi meningkatkan produktiviti industri sawit dengan amalan mampan yang dijalankan dalam industri sawit dan pengurangan pelepasan GHG dari industri sawit negara akan diteruskan.

Di samping itu, MPOB akan meneruskan hubungan erat dengan pihak Suruhanjaya Eropah (EC) dan Joint Research Centre (JRC) untuk memberikan data saintifik terkini supaya industri sawit negara, termasuk industri biodiesel sawit, terus berdaya saing dan berdaya maju.

## MPOB menang tiga anugerah ITEX2013

Oleh Nur Rasyeda Ramli  
rsyeda@mpob.gov.my

**Bangi:** Hasil penyelidikan dan inovasi MPOB berjaya merangkul pingat kemenangan bagi kategori masing-masing dalam Pameran Reka Cipta, Inovasi dan Teknologi Antarabangsa 2013 (ITEX 2013) pada 9 hingga 11 Mei 2013 lalu di Pusat Konvensyen Kuala Lumpur (KLCC).

ITEX 2013 kali ke-24 itu adalah acara tahunan anjuran Persatuan Reka Cipta dan Reka Bentuk Malaysia (MINDS) sebagai landasan menggenangkan hasil inovasi, reka cipta serta hasil penyelidikan terkini penyelidik dan pereka cipta di peringkat antarabangsa.

MPOB menghantar dua teknologi untuk dipertandingkan bertajuk, Commercial Production of GanoEF Biofertilizer as Biological Control of Ganoderma Disease in Oil Palm' dan Modified Vessel (MoVess) for Liquid Culture System.

Kedua-dua teknologi berkenaan berjaya merangkul pingat

emas reka cipta (Invention Competition) melalui hasil penyelidikan daripada kumpulan yang diketuai oleh Dr Idris Abu Seman dari Unit Ganoderma dan Penyakit Sawit (GanoDROP), Biologi dan Dr Ahmad Tarmizi Hashim dari Unit Tisu Kultur, ABBC.

Pingat emas yang dimenangi di bawah kategori sektor pertanian itu bertajuk Commercial Production of GanoEF Biofertilizer as Biological Control of Ganoderma Disease in Oil Palm.

**Tangani penyakit Ganoderma**

Dr Idris Abu Seman berkata, penyelidikan ini salah satu usaha untuk menangani masalah serangan penyakit Ganoderma di Malaysia khususnya.

Sementara itu MPOB dan All Cosmos Industries Sdn Bhd di Pasir Gudang, Johor bekerjasama dan berjaya menghasilkan formulasi biobaja GanoEF (GanoEF biofertilizer) untuk kawalan dan pencegahan penyakit Ganoderma sawit.

"Biobaja GanoEF adalah satu formula baru yang mengandungi

kulat endofitik, Hendersonia GanoEF1 digabungkan dengan baja organik dan bukan organik sebagai formula untuk mengawal dan pencegahan penyakit Ganoderma pada pokok sawit di samping dapat meningkatkan kesuburan tanah, pertumbuhan vegetatif dan hasil pengeluaran," katanya.

Beliau berkata, teknik ini dipraktikkan dengan berkesan oleh sektor ladang swasta dan pekebun kecil dan sehingga 2012 sebanyak 400 tan dikeluarkan.

"Hasil ciptaan ini boleh menyumbang secara positif ke arah pencegahan penyakit dan ia dapat mengurangkan kejadian dan penyebaran penyakit Ganoderma di ladang sawit dan dalam masa yang sama meningkatkan pendapatan pekebun sawit dan seterusnya menyumbang kepada pendapatan negara."

Kumpulan Dr Idris Abu Seman juga turut menerima pengiktirafan anugerah inovasi produk Malaysia 2013 (Malaysian Innovative Product Award 2013) bagi inovasi yang sama.

Satu lagi pingat emas yang dimenangi di bawah kategori bioteknologi pula bertajuk MPOB Modified Vessel (MoVess) for Liquid Culture System atau MPOB vesel terbahsuai (MoVess) untuk sistem kultura cecair.

Menurutnya, penggunaan kelalang atau kultur goncang amat



Dr Idris dan Dr Ahmad Tarmizi (kanan) bersama anugerah emas yang dimenangi sempena ITEX 2013.

sesuai pada isi padu kultur cecair yang rendah. Untuk penskalaan tinggi, penggunaan bioreaktor komersial/berjenama boleh digunakan tetapi ia adalah tidak ekonomik di samping penginokulasi kultur adalah amat rumit.

"Bagi mengatasi masalah tersebut satu teknologi dicipta yang dikenali sebagai MPOB Modified Vessel (MoVess) for Liquid Culture System atau MPOB vesel terbahsuai (MoVess) untuk sistem kultura cecair.

"MoVess adalah vesel yang dapat digunakan untuk menyelenggarakan pengeluaran kultur cecair pada skala yang lebih tinggi

(1-2 liter media).

Menurutnya, teknologi ini adalah ringkas, ekonomik serta praktikal untuk pelbagai sistem kultur cecair tumbuhan. Vesel ini mengandungi alat pemutar ber magnet dan tiub berlubang dan di pasang kepada pam ringkas untuk pengudaraan dan seterusnya diletakkan di atas alat pemutar bermagnet untuk tujuan penggongcangan.

Katanya, teknologi ini boleh ditambah baik dan berpotensi untuk diautomasi. Selain itu, teknologi ini pernah memenangi anugerah Inovasi dan Idea terbaik di peringkat MPOB.

# MPOB anjur kursus sabun berasas sawit

» Peserta didedah kaedah pencirian kawalan kualiti

Oleh Zulina Maurad  
zulina@mpob.gov.my

■ Bangi

**S**ejumlah 26 peserta mengikuti Kursus Pengenalan Oleokimia 2013 anjuran MPOB di sini, baru-baru ini. Kursus siri kedua ini memfokuskan kepada teknologi pembuatan sabun berasaskan sawit.

Pada kursus ini, peserta didedahkan kepada pembangunan dan teknologi sabun terkini termasuk kaedah pencirian kawalan kualiti.

“Kursus ini pada asasnya direka untuk meningkatkan pengetahuan mengenai teknologi pem-

buatan sabun dan perkembangan terkini aktiviti hiliran sektor oleokimia, kata Ketua Pengarah MPOB dalam teks ucapan yang dibacakan oleh Timbalan Ketua Pengarah (Penyelidikan dan Pembangunan) MPOB, Dr Ahmad Kushairi Din.

## Peluang interaksi

Menurutnya, kursus berkenaan turut menyedia peluang interaksi dan menjalin hubungan sesama peserta dari rantau Asia Pasifik.

“Sabun adalah satu produk oleokimia yang menerima permintaan tinggi dan mempunyai pertumbuhan potensi pasaran yang besar di rantau Asia Pasifik.

Dengan peningkatan kesedaran terhadap produk mesra alam, pembuatan sabun tertumpu kepada penggunaan bahan mentah dari sumber alam semula jadi.

“Secara tidak langsung, ini menjurus kepada ciptaan reka



Peserta kursus sedang melihat demonstrasi teknologi pembuatan sabun.

bentuk sabun dan pembungkuhan yang unik.

Sabun juga sebagai produk penjagaan kulit telah dirumus dengan herba khas dan minyak aromaterapi untuk menguasai sektor pasaran produk unik,” katanya.

“Selaras dengan ini, MPOB menyediakan kelengkapan dan ke-

pakaran penyelidikan dan pembangunan yang lengkap melalui Bahagian Kemajuan Teknologi Oleokimia (AOTD) untuk menerajui pembangunan aktiviti hiliran oleokimia di Malaysia.

“AOTD berfungsi sebagai pusat inkubasi bagi kegunaan industri terutama Industri Kecil dan Sederhana bagi mengenda-

likan aktiviti pra-pemasaran,” katanya.

Kursus Pengenalan kepada Oleokimia (ICOC) adalah kursus dwitahunan di MPOB dan diharap menjadi platform bagi industri untuk mengetahui lebih lanjut tentang teknologi baru yang akan dibangunkan pada masa depan.

# MPIC anjur MICCOS 2013

**Kementerian Perusahaan Perludangan dan Komoditi (MPIC)** akan menganjurkan Pameran dan Persidangan Antarabangsa Komoditi Malaysia (MICCOS) 2013 pada 24 hingga 27 Oktober 2013 (Khamis-Ahad) bertempat di Taman Ekspo Pertanian Serdang (MAEPS), Selangor, Malaysia.

MICCOS adalah acara perdana bagi industri komoditi negara yang merangkumi sektor sawit, getah, kayu-kayan, koko, lada, kenaf, tembakau dan sagu.

Acara dwi tahunan ini akan menemukan penggiat utama sektor komoditi meliputi pekebun kecil, pengilang, usahawan, pengeksport dan agensi-agensi serta persatuan industri yang bertanggungjawab dalam pembangunan sektor komoditi.

MICCOS 2013 adalah yang kelima dianjurkan dengan tema ‘Komoditi Mampan Menjamin Masa Depan’, akan menonjolkan transformasi sektor komoditi negara selaras hasrat kerajaan menjadikan Malaysia sebagai negara maju berpendapatan tinggi menjelang 2020.

Selain itu, pameran MICCOS 2013 turut memfokuskan aspek pemuliharaan alam sekitar dalam sektor perladangan. Dengan keluasan tapak pameran seluas 40,000 meter persegi, MICCOS 2013 dijangka menerima penyer-

taan 450 pempamer dari dalam dan luar negara dengan sasaran kehadiran pengunjung seramai 50,000 orang.

## Objektif MICCOS 2013

Objektif MICCOS 2013:

- Memberi lebih banyak peluang penyesuaian perniagaan antara penggiat industri swasta dari dalam dan luar negara;
- Mempromosi inovasi dan teknologi baru sektor perladangan dan komoditi;
- Menarik penyertaan usaha baru sektor perladangan dan komoditi;
- Mempromosi dan memperluaskan hubungan kerjasama di kalangan pihak-pihak berkepentingan dalam sektor perladangan dan komoditi; dan

- Menggalakkan percambahan dan pertukaran idea serta perbincangan, terutama di kalangan penggiat industri bagi memajukan dan menggalakkan pembangunan sektor perladangan dan komoditi negara.

## Aktiviti MICCOS 2013

- Pameran industri komoditi membatikan pempamer domestik dan antarabangsa;
- Persidangan dan seminar membabitkan isu pembangunan sektor komoditi, pemindahan teknologi dan keusahawanan de-

ngan penyertaan dari dalam dan luar negara;

- Pemadaman perniagaan berkonsep ‘Government to Business’ dan ‘Business to Business’;
- Program pembangunan pekebun kecil membabitkan semua sektor komoditi seluruh negara;
- Promosi produk berdasarkan komoditi;
- Program sampingan pertandingan, demonstrasi dan aktiviti permotoran; dan
- Kek coklat terpanjang untuk dicatatkan di dalam Buku Rekod Malaysia.

## Hubungi Kami:

Sekretariat MICCOS 2013

Bahagian Perancangan Strategik dan Antarabangsa,  
Kementerian Perusahaan Perludangan dan Komoditi

No. 15 Aras 6-13  
Persiaran Perdana, Presint 2  
Pusat Pentadbiran Kerajaan Persekutuan, 62654 PUTRAJAYA,  
MALAYSIA.

- Telefon Am : +603-8880 3300
- Telefon Terus : +603-8887 8340 / +603-8880 3427
- Faks : +603-8887 8341 / +603-8880 3441
- E-mel : miccos@mipc.gov.my/
- Facebook: MICCOS
- Laman Web : www.miccoss.com.my / www.mpic.gov.my

**MICCOS**  
MALAYSIA INTERNATIONAL  
COMMODITY CONFERENCE & SHOWCASE 2013  
“SUSTAINABLE COMMODITY FOR A BETTER TOMORROW”  
24 - 27 October 2013  
Malaysia Agro-Exposition Park Serdang (MAEPS)  
Selangor, Malaysia

ORGANISED BY  
MINISTRY OF PLANTATION INDUSTRIES AND COMMODITIES

WITH COOPERATION FROM:  
MPOB MTAI MITB MIROS mipec

# Kerajaan sedia bantu pekebun kecil

» Insentif CANTAS hargai sumbangan pekebun bangun ekonomi negara

**K**erajaan sentiasa meletakkan kepentingan rakyat dalam setiap dasar pembangunan yang dirangka termasuk menyediakan pelbagai insentif dan bantuan kepada pekebun kecil sawit untuk bersama-sama meningkatkan taraf hidup dan pada masa sama melonjakkan pengeluaran hasil sawit negara di bawah Bidang Ekonomi Utama Negara (NKEA).

Insentif dan bantuan yang diberi adalah pengiktirafan kerajaan terhadap pekebun kecil sawit yang turut memberikan sumbangan kepada pembangunan ekonomi negara.

Satu projek di bawah program NKEA sawit adalah memperce-

patkan penanaman semula pokok sawit tua yang tertangguh pada akhir 2010 sebanyak 109,000 hektar oleh pekebun kecil.

Bagi tujuan penanaman semula sawit oleh pekebun kecil, peruntukan bernilai RM902 juta disediakan kerajaan pada 2011 hingga 2013.

Nilai bantuan bagi Tanam Semula Sawit Pekebun Kecil (TSSPK) sebanyak RM7,500 sehektar di Semenanjung Malaysia dan RM9,000 sehektar di Sabah dan Sarawak.

#### Jamin pengeluaran tinggi

Di bawah program ini, bantuan disediakan meliputi bekalan anak benih sawit berkualiti, input per-

tanian dan pengurusan tanaman mengikut Amalan Pertanian Baik bagi menjamin pengeluaran hasil sawit yang tinggi.

Pekebun kecil mempunyai keluasan kebun tidak melebihi 2.5 hektar layak dipertimbangkan bagi Bantuan Penyelenggaraan Kebun (BPK) sebanyak RM500 sebulan selama dua tahun.

Penanaman semula pokok sawit tua dengan bahan tanaman baharu yang berkualiti tinggi menggunakan teknologi penanaman dan pengurusan terkini akan menjamin pengeluaran hasil buah tandan segar (BTS) yang tinggi iaitu melebihi 25 tan sehektar setahun bagi tempoh 20 tahun akan datang.

Pengeluaran BTS yang tinggi meningkatkan pendapatan pekebun kecil sekali gus menyumbang kepada pendapatan negara.

Selain itu, kerajaan turut me-

nawarkan program Tanam Baru Sawit Pekebun Kecil (TBSPK) yang menyediakan nilai bantuan yang sama dengan TSSPK.

Kerajaan juga menyedari unit meningkatkan produktiviti kerja dan pengeluaran hasil sawit, penghasilan jentera pertanian seperti pemotong sawit bermotor atau dikenali CANTAS akan memudahkan pengurusan dan penyelenggaraan ladang.

#### CANTAS tingkat produktiviti

Penggunaan mesin CANTAS yang dihasilkan Lembaga Minyak Sawit Malaysia (MPOB) berupaya meningkatkan produktiviti tenaga kerja dan kecekapan kerja penuian dua kali ganda iaitu daripada 1.8 tan kepada 3.2 tan BTS bagi seorang pekerja sehari berbanding penuian secara manual.

Menyedari potensi penggunaan CANTAS bagi mengurangkan

penggunaan tenaga buruh, kerajaan menyediakan Skim Diskaun CANTAS kepada penanam sawit dan pekebun kecil dengan peruntukan berjumlah RM5.3 juta.

Bantuan sebanyak RM1,000 diberi kepada pekebun kecil bagi setiap unit CANTAS yang dibeli di samping penyediaan perkhidmatan selepas jualan bagi memudahkan penyelenggaraan CANTAS.

Pekebun kecil sawit di seluruh negara digesa membuat permohonan segera agar tidak terlepas peluang yang disediakan kerajaan melalui MPOB.

Untuk maklumat lanjut mengenai skim bantuan yang disediakan, pekebun kecil boleh berhubung terus dengan Pegawai Tunjuk Ajar dan Nasihat Sawit (TUNAS) MPOB yang terdekat atau melayari laman sesawang MPOB di [www.mpopb.gov.my](http://www.mpopb.gov.my)

## TUNAS bantu sektor pekebun kecil sawit

**I**ndustri sawit yang semakin berkembang pesat memberi sumbangan penting kepada pembangunan ekonomi negara. Kemajuan pesat ini adalah hasil perancangan strategik Kerajaan dengan pembabitan pihak industri termasuk pekebun kecil sawit.

Sebanyak 40 peratus kawasan tanaman sawit negara diusahakan pekebun kecil tersusun di bawah agensi kerajaan dan pekebun kecil persendirian sekali gus membawa kesejahteraan ekonomi dan meningkatkan taraf hidup penduduk luar bandar.

Kerajaan terus memberi perananan kemajuan sektor berdasarkan pertanian dan pembangunan sosio ekonomi pekebun kecil di luar bandar.

#### Tingkat produktiviti

Pusat Tunjuk Ajar dan Nasihat Sawit (TUNAS) ditubuhkan MPOB dalam usaha membantu sektor pekebun kecil meningkatkan produktiviti pengeluar buah tandan segar di samping meningkatkan pendapatan.

Pegawai Tunas MPOB yang ditempatkan di seluruh negara berperanan memberi khidmat nasihat dan pemindahan teknologi baru penanaman sawit kepada pekebun kecil, skim bantuan pekebun kecil yang menanam semula sawit dan mengusahakan tanaman baharu sawit serta penubuhan Koperasi Penanam Sawit Mampan (KPSM).

Selain itu, pegawai TUNAS turut berperanan dalam pelaksanaan Amalan Pertanian Baik (GAP) dan memberi khidmat na-

sihat teknikal sawit.

Bagi meningkatkan kesedaran dan penyertaan pekebun kecil dalam amalan pertanian baik dan pengeluaran minyak sawit mampan, bilangan Pegawai Tunas MPOB juga telah ditingkatkan kepada 240 orang yang ditempatkan di kawasan tumpuan pekebun kecil di seluruh negara.

Dalam melaksanakan GAP yang bertujuan meningkatkan produktiviti dan seterusnya pengeluaran minyak sawit mampan, MPOB melalui pegawai TUNAS kini giat menjalankan kempen bagi pensijilan pekebun kecil sawit persendirian yang meliputi GAP, Kod Amalan Baik MPOB (COP) dan Pensijilan Sawit Mampan (RSPO) yang bertujuan memberi pendedahan dan kesedaran kepada pekebun kecil mengenai pengeluaran minyak sawit mampan bagi memenuhi permintaan pengguna.

#### Tingkat kesedaran pekebun

Pelaksanaan kempen secara berterusan akan dapat meningkatkan kesedaran pekebun kecil untuk membabitkan diri dalam pensijilan kebun sawit masing-masing yang sekali gus akan menyumbang kepada peningkatan produktiviti sawit dan pendapatan.

Pegawai TUNAS MPOB berperanan penting melaksanakan pelbagai aktiviti ke arah mencapai objektif pelaksanaan kempen pensijilan GAP pekebun kecil di samping meningkatkan perkhidmatan pengembangan MPOB kepada pekebun kecil di seluruh negara.

## MPOB lancar stokis CANTAS keenam

Oleh Sheilyza Mohd Ishak dan Dr Zainon Mat Sharif  
sheilyza@mpob.gov.my & zainon@mpob.gov.my

#### Kota Tinggi

**MPOB** melancarkan satu lagi stokis CANTAS di Wilayah Selatan sempena Program Jom Guna CANTAS (JGC) diadakan di Felda Ayer Tawar 5. Stokis ini adalah yang ketiga di Wilayah Selatan dan keenam di Malaysia.

Program seperti ini julung kali diadakan di Felda bagi mempromosikan CANTAS di kalangan Peneroka Felda.

Seramai 70 orang peserta dari kalangan peneroka Felda Ayer Tawar 1 hingga 5, Pengurus Estet dan peniaga buah sawit hadir pada majlis itu.

Perasmian majlis disempurnakan Pegawai Pelesenan Stesen Pelabuhan MPOB Pasir Gudang, Mohd Fairuz Mohd Hanapiah bagi pihak MPOB dan Timbalan Ketua Pengarah (Perkhidmatan) MPOB, Ahmad Sidek Stroo.

#### Promosi mesin CANTAS

Mohd Fairuz berkata, Program Jom Guna CANTAS (JGC) bertujuan mempromosikan mesin CANTAS kepada pekebun kecil, estet dan terutama sekali kepada kontraktor penuai buah sawit.

Bahkan program JGC mewarkan pembelian CANTAS secara tunai dan bawa pulang (cash and carry) dengan skim yang disediakan iaitu Skim Diskaun CANTAS (SKIDIC) dengan diskau RM1000 bagi setiap unit Cantas yang dibeli.

Pentaulahan Stokis Hj Mis-



Peneroka FELDA mendengar taklimat mengenai CANTAS yang dipamerkan sempena Program Jom Guna CANTAS.

ron semasa program ini juga amat bertepatan dengan usaha untuk memberikan khidmat pemberian yang pantas dan mengurangkan "downtime" penuian kerana stokis yang ditubuhkan kini berada berhampiran dengan kawasan pembeli.

Pada program ini, syarikat pembekal CANTAS yang berlesen dengan MPOB turut mempromosi CANTAS keluaran mereka.

Pelbagai alat ganti dan promosi diberikan oleh syarikat berkenaan bagi menarik pengunjung membeli CANTAS keluaran mereka.

Antara syarikat itu termasuklah Fancy Power, Jariz Techno-

logies, Felda Agriculture Services Sdn Bhd (FASSB), Syarikat CCM (pembekal baja) dan Agrobank Cawangan Kota Tinggi. MPOB juga menyediakan kaunter SKIDIC dan pameran pengredan buah sawit.

#### Jual empat unit mesin

Sempena program JGC ini, empat unit CANTAS terjual secara tunai dan bawa iaitu tiga unit oleh Kulim Estate dan satu unit oleh peneroka Felda Ayer Tawar 4.

Program mempromosikan penggunaan CANTAS ini akan dilaksanakan ke seluruh negara dan sasaran seterusnya adalah di kawasan Zon Timur.

# Seminar Pemindahan Teknologi MPOB 2013

MPOB sekali lagi akan menganjurkan Seminar Pemindahan Teknologi (TOT) yang akan diadakan pada 20 Jun 2013 bertempat di Ibu Pejabat MPOB, Bangi, Selangor. Seminar TOT merupakan acara tahunan yang akan memperkenalkan teknologi baru hasil penyelidikan dan pembangunan MPOB kepada pihak industri sawit dan usahawan tempatan bagi tujuan pengkomersialan. Pada 2013, sebanyak 15 teknologi dan 10 perkhidmatan akan dilancarkan untuk dikomersialkan oleh pihak industri dan usahawan yang bermintat. Teknologi yang akan dilancarkan meliputi bidang agronomi, kawalan penyakit dan perosak sawit, integrasi sawit, pengilangan dan pemprosesan, produk makanan dan bukan makanan. Ringkasan bagi teknologi dan perkhidmatan yang akan dilancarkan adalah seperti berikut:

Oleh Syed Mohd Hazry b Syed Hamid



**Hasnol Othman**  
Amalan Pengurusan Terbaik Penanaman Sawit Di Tanah Gambut: Penggunaan Mineral Zeolite Sebagai Bahan Pembekal Tanah

Sifat fizikal dan kimia semula jadi tanah gambut sangat menjelaskan prestasi pertumbuhan dan hasil sawit yang mana ia memerlukan pengurusan khusus terutamanya amalan pembajaan. Selain rendah kandungan K tanah, sifat tanah gambut yang sangat berongga (rendah kapadatan pokok) menyebabkan berlaku kejadian larut resap bawah di musim hujan. Kajian terdahulu menunjukkan bahawa tanaman sawit di tanah gambut memerlukan kadar pembajaan Kalium (K) yang tinggi iaitu mencapai sehingga 6 kg MOP per pokok setahun.

Sifat semulajadi mineral zeolite berupaya memperbaiki sifat fizikal dan kimia tanah dan sehubungan itu ianya telah digunakan secara meluas sebagai bahan pembekal pulih tanah dalam industri pertanian. Kajian keberkesanannya menggunakan mineral zeolite sebagai bahan pembekal tanah gambut telah dijalankan di Stesen Penyelidikan MPOB Teluk Intan, Perak. Objektif kajian adalah untuk meningkatkan kecekapan pengambilan bahan terutama nutrien K bagi tanaman sawit di tanah gambut. Keputusan kajian menunjukkan bahawa penaburan mineral zeolite pada kadar 3 kg per pokok setahun secara berselerak di kawasan perletakan bahan (bulatan pokok) telah meningkatkan prestasi pengeluaran hasil buah tandan segar (BTS) sebanyak 7%.

Purata hasil BTS bagi tempoh 6 tahun di plot rawatan zeolite dan tanpa zeolite adalah masing-masing direkodkan pada kadar 27.03 dan 25.03 tan per hektar setahun. Keputusan kajian juga menunjukkan bahawa kadar optimum pembajaan K di plot rawatan zeolite adalah 3.5 kg MOP per pokok setahun berbanding plot tanpa zeolite 5.0 kg MOP per pokok setahun. Keputusan kajian ini jelas menunjukkan bahawa penggunaan mineral zeolite dapat meningkatkan kecekapan pengambilan nutrien K oleh tanaman sawit yang di tanah gambut. Analisa ekonomi terhadap kombinasi penggunaan mi-

neral zeolite dan kadar bahan MOP menunjukkan bahawa kombinasi mineral zeolite dan bahan MOP masing-masing pada kadar 3.0 dan 3.5 kg per pokok setahun memberikan kadar kos pengeluaran hasil BTS terendah serta pendapatan tertinggi berbanding kombinasi lain. Sehubungan itu adalah disyorkan mineral zeolite digunakan sebagai bahan pemberi pulih tanah bagi penanaman sawit di tanah gambut. Kadar optimum kombinasi mineral zeolite dan bahan MOP adalah masing-masing pada kadar 3.0 dan 3.5 kg per pokok setahun.



**Wahid Omar**  
Metodologi pengelasan tanah gambut berseluruhan Malaysia

Malaysia terbahagi kepada tiga wilayah iaitu Semenanjung, Sabah dan Sarawak.

Oleh kerana perbezaan sejarah dan pentadbiran, pengelasan dan pemetaan tanah di tiga wilayah ini berbeza daripada segi metodologi, definisi dan pengelasan. Kerana ini, definisi, pengelasan dan pemetaan yang digunakan untuk tanah gambut semasa kajian tanah tinjauan bagi ketiga-ketiga wilayah tersebut juga berbeza.

Perbezaan pengelasan tanah ini telah menyebabkan kesukaran untuk kerja-kerja korelasi tanah dan pemindahan teknologi pertanian terutama sekali berkaitan dengan tanah gambut di antara ketiga-ketiga wilayah tersebut. Untuk mengatasi masalah ini, Lembaga Minyak Sawit Malaysia (MPOB) dengan usaha sama pakar-pakar pengelasan tanah telah berjaya mewujudkan metodologi pengelasan tanah gambut berseluruhan. Metodologi pengelasan tanah ini telah diuji dan berjaya mengklasifikasi dan memetakan tanah gambut di Lembangan Sungai Baram, Miri, Sarawak.



**Norkaspi Khasim**  
Prestasi Tanaman Kacang Hijau (Vigna radiata) Secara Integrasi Bersama Sawit

Amalan integrasi tanaman dan ternakan telah diberi keutamaan dalam pelaksanaan Dasar Pertanian Negara 3. Tujuan utama untuk meningkatkan produktiviti secara optimum di ladang melalui penggunaan sebidang tanah pertanian yang diusahakan. Malaysia sedang mengalami kekurangan tanah subur untuk pertanian bagi pengeluaran makanan negara. Menyedari hakikat ini, MPOB mengenalpasti bidang integrasi tanaman dan ternakan perlu dipergiatkan di kawasan tanaman sawit.

Beberapa model teknologi telah dikenali pasti untuk diimaju dan diketengahkan bagi membantu meningkatkan pendapatan perekut sawit. Salah satu teknologi yang ingin diketengahkan adalah Integrasi Tanaman Kacang Hijau Bersama Sawit.

Kacang hijau memang sudah popular di kalangan rakyat Malaysia terutama sekali dalam menu makanan harian seperti bubur kacang dan kuih-muih tradisi masyarakat tempatan. Permintaannya sentiasa meningkat dari masa ke semasa berdasarkan pertambahan bilangan penduduk, bijirin kacang hijau terpaksa diimport dari luar negera sehingga mencecah 11.8 ribu tan yang bernilai RM42.09 juta pada tahun 2011 berbanding tahun sebelumnya.

Applikasi vermicompos kepada media pertumbuhan pokok sawit dan memperbaiki struktur tanah telah diuji dan terbukti berupaya mempertingkatkan pertumbuhan anak pokok sawit. Penambahan zeolite kepada substrat vermicompos memberi manfaat dan kebaikan dari segi penyerapan logam berat dan mengekalkan nutrien yang terdapat pada bahan dan juga tanah. Kajian kajian telah membuktikan bahawa tambahan zeolite kepada bahan kompos membawa kesatu kenaikan signifikan dari segi pertumbuhan dan percambahan pelepas anak pokok sawit.



**Nahrul Hayawin**  
Aplikasi Bahan Vermicompos Terhadap Pertumbuhan Pokok Sawit

Sistem pengkomposan telah dilaksanaan oleh kilang memproses minyak sawit, sebagai salah satu aktiviti pengurusan bahan buangan sawit dan juga menyumbang kepada pengurangan gas rumah hijau. Dan baru-baru ini, gabungan pengkomposan daripada aktiviti mikrob dan vermin kompos hasil daripada aktiviti mikrob dan cacing telah dipertimbangkan dan diaplikasikan sebagai salah satu kaedah dalam mencapai produk kompos dan bahan yang lebih stabil dan berkesan.

Sementara itu, pengkomposan membolehkan pensanitasi sisa dan penyingkiran sebatian toksik, manakala vermicompos mengurangkan saiz zaruh dan meningkatkan kandungan nutrien; sebagai tambahan, penginokulatan bahan daripada fasa termofilik (suhu 55-70°C) pengkomposan dengan cacing tanah telah mengurangkan perbelanjaan dan tempoh proses rawatan.

Applikasi vermicompos kepada media pertumbuhan pokok sawit dan memperbaiki struktur tanah telah diuji dan terbukti berupaya mempertingkatkan pertumbuhan anak pokok sawit. Penambahan zeolite kepada substrat vermicompos memberi manfaat dan kebaikan dari segi penyerapan logam berat dan mengekalkan nutrien yang terdapat pada bahan dan juga tanah. Kajian kajian telah membuktikan bahawa tambahan zeolite kepada bahan kompos membawa kesatu kenaikan signifikan dari segi pertumbuhan dan percambahan pelepas anak pokok sawit.



**Mohamad Izzuddin Anuar**  
Penggunaan Spektroskopi Lapangan untuk Pengesan Penyakit Ganoderma pada Kelapa Sawit

Penyakit Ganoderma adalah penyakit yang sering menjelkiti kelapa sawit dan memberikan kerugian besar kepada peladang dan pekebun kecil. Oleh itu, MPOB telah menjalankan kajian kaedah pengesan penyakit Ganoderma pada kelapa sawit. MPOB telah menghasilkan beberapa kaedah pengesan jangkitan Ganoderma pada kelapa sawit.

Penggunaan Ganoderma Selective Medium (GSM), Polyclonal Antibodies Enzyme-Linked Immunosorbent Assay (PAbs-ELISA), Multiplex PCR-DNA Kit yang berasaskan analisa makmal manakala GanoSken pula adalah teknologi berasaskan gelombang buang untuk mengesan jangkitan Ganoderma pada kelapa sawit. Selain itu, MPOB juga sedang membangunkan aplikasi penderiaan jauh (Remote Sensing) untuk pengesan penyakit Ganoderma pada kelapa sawit.

Teknik Spektroskopi Lapangan (Field Spectroscopy) adalah teknologi penderiaan jauh hyperspektral yang menggunakan sensor dikenali sebagai spektroradiometer untuk membezakan pokok kelapa sawit sihat dan yang dijangkiti penyakit Ganoderma.

Dalam teknik ini, nilai pembalikan yang diterima oleh spektroradiometer daripada daun atau kanopi pokok kelapa sawit akan diproses oleh perisian komputer khas untuk menentukan sama ada pokok kelapa sawit dijangkiti Ganoderma atau tidak. Kajian menunjukkan teknik ini sesuai dan boleh digunakan di lapangan.



**Dr Mohd Hefni Rusli**  
Primer spesifik untuk kulat Fusarium oxysporum f.sp. elaeidis

Fusarium oxysporum f.sp. elaeidis merupakan kulat yang menyebabkan penyakit layu vaskular sawit dan menyebabkan kerugian yang sangat besar kepada industri sawit di Afrika Barat dan Amerika Selatan. F. oxysporum f.sp. elaeidis masih belum dilaporkan pada industri sawit di Malaysia atau di Asia Tenggara walaupun terdapat banyak biji benih dan deguna sawit yang di import dari Afrika Barat dan juga Amerika Selatan bagi tujuan pembibitan dan juga penyelidikan.

Jadi, bagi melindungi industri sawit negara daripada ancaman patogen ini, satu kaedah pengesan awal telah dibangunkan bagi mengesan kehadiran patogen ini di dalam sampel-sampel yang diimport seperti biji benih dan debunga.

Primer spesifik untuk F. oxysporum f.sp. elaeidis ini boleh diaplikasikan sebagai 'molecular diagnostic tools' untuk tujuan bio-sekuriti di makmal-makmal kuarantin biji benih sawit di seluruh dunia. Ianya merupakan satu kaedah pengesan yang pertama dibangunkan kerana pada masa sekarang hanya primer spesifik spesies (F. oxysporum) yang digunakan di makmal-makmal kuarantin tersebut. Jadi, berdasarkan kaedah ini berpotensi untuk membantu Malaysia mengelakkan dan besedia untuk menghadapi kulat patogen tersebut.



**Shamala Sundram**  
Arbuscular Mycorrhiza Fungi (AMF) berpotensi untuk meningkatkan pertumbuhan vegetatif kelapa sawit

Kulat AMF (Glomus intraradices) mempunyai potensi untuk meningkatkan pertumbuhan vegetatif pelbagai jenis pokok. Satu kajian telah dijalankan dengan melibatkan aplikasi kulat ini pada peringkat nusari dan ladang. Kajian ini membuktikan kulat ini berpotensi untuk meningkatkan pertumbuhan vegetatif pokok kelapa sawit.

Kajian telah menunjukkan kulat ini mampu meningkatkan 21% ketinggian, 17%

diameter pangkal, 36% luas daun dan 11% bilangan daun apabila dibandingkan dengan pokok yang tidak mempunyai aplikasi kulat ini. Kajian ini telah diulangi di ladang dengan menggunakan sistem 'baiting' dan telah menunjukkan peningkatan yang bererti apabila dibandingkan dengan pokok yang tiada rawatan kulat ini.

Sehubungan itu adalah disyorkan penggunaan kulat AMF sebagai agen peningkatan pertumbuhan vegetatif kelapa sawit di mana pada masa yang sama pengurangan aplikasi bahan kimia dapat dilakukan. MPOB bersedia memindahkan teknologi ini kepada pihak industri yang bermintat untuk menghasilkan produk nilai tambah setelah diproses. Daripada kajian yang telah dijalankan, MSPS mentah mempunyai kualiti lebih rendah berbanding dengan minyak sawit mentah iaitu mengandungi gam dan fosforus dan asid lemak bebas yang lebih tinggi. Proses penapisan diperlukan untuk memastikan kualiti MSPS dapat dipertingkatkan untuk proses seterusnya. Berdasarkan keparakan dan pengetahuan terhadap MSPS, Lembaga Minyak Sawit Malaysia telah berjaya membangunkan kaedah penapisan terkinin untuk menghasilkan MSPS yang berkualiti tinggi yang sesuai digunakan untuk penggunaan produk hilir seperti dalam industri makanan, farmaseutikal dan kosmetik.



**Dr Ridzuan Ramli**  
Mesin Ligno-Ripper untuk memproses biojisim sawit bagi menghasilkan gentian pendek

Rhino adalah jentera kompak beroda berterusan rendah yang berukuran 1.5 meter lebar dan 3.5 m panjang, reka bentuk yang teguh dengan penggalian berat jentera

yang efisien bagi memberi tekanan pada permukaan tanah yang paling rendah. Penggunaan nama Rhyno diambil daripada nama saintifik badak sumbu yang melambangkan kekuatan, ketegunan dan kemampuan bergerak di kawasan sempit dan sukar. Ianya adalah sebagai pilihan kepada pengguna untuk menggunakan jentera yang betul dan sesuai untuk sesuatu kawasan sama ada gambut, kawasan beralun, bukit atau sebagainya.

Rhyno dijana dengan enjin 2-lejang dengan 19 kuasa kuda (hp) dan dilengkapi dengan sistem hidraulik bagi kawalan stereng berkuasa serta kawalan pada sistem jongkitan pemungkah jenis 'high pivot tipping' bagi mengurangkan 'double handling' ketika memungkah Buah Tandan Segar (BTS).

Rhyno dilengkapi dengan PTO (Power Take Off) untuk penggunaan lain-lain aktiviti seperti meracun serta membumi. Sehubungan itu, Rhyno merupakan jentera pelbagai guna dan merupakan jentera yang dibuat mengikut spesifikasi dan penggunaan yang dikenakan. Penggunaan Rhyno sebagai jentera pengangkut mampan menghasilkan purata 20 tan BTS sehari dengan penggunaan minyak yang minima iaitu 8 liter sehari.

but mesokarpa dan juga efluen. Tandan sawit kosong yang dihasilkan adalah sebanyak 18 juta tan dan ianya digunakan secara meluas sebagai bahan penyungkit (mulching) di ladang sawit bagi meningkatkan produktiviti tanah. Kaedah ini tidak mengangkut dan menyelenggarakan yang tinggi. Di samping itu, kaedah pembakaran tandan sawit di kilang sawit juga tidak dibenarkan oleh Jabatan Alam Sekitar kerana pence-

angkutan dan penyelenggaraan yang tinggi. Mesin Ligno-Ripper yang dibangunkan oleh MPOB dengan usaha sama Syarikat Hur Far Engineering Works Sdn Bhd mempunyai ciri-ciri khas yang mampu memotong pelbagai jenis biojisim sawit dan juga bahan lignoselulosik yang lain termasuklah kenaf. Ligno-Ripper ini berfungsi sebagai proses pra-rawatan dalam penghasilan gentian pendek bersaiz di antara 9mm hingga 50mm menggunakan satu mesin sahaja. Pembangunan mesin ini dapat mengurangkan jumlah mesin yang diperlukan bagi menghasilkan gentian pendek tersebut. Gentian pendek yang dihasilkan ini digunakan secara komersial dalam pembuatan bio-komposit, bio-kompos, papan berketumpatan sederhana (MDF), pembuatan kertas dan juga sebagai bahan suapan bagi menghasilkan pellet bahan api.



**Dr Zulkifli Ab Rahman**  
Teknologi buangan sifar bagi kilang sawit di Malaysia melalui Sistem Pengkomposan Baja yang inovatif

Teknologi ini merupakan teknologi sisir sifar yang menawarkan penghapusan sisir buangan dari kilang sawit melalui pengurusan efektif sisir pepejal dan cecair dari proses seterusnya. Ia mencadangkan pengkomposan sisir pepejal dan cecair dari proses seterusnya. Berdasarkan keparakan dan pengetahuan terhadap MSPS, Lembaga Minyak Sawit Malaysia telah berjaya membangunkan kaedah penapisan terkinin untuk menghasilkan MSPS yang berkualiti tinggi yang sesuai digunakan untuk penggunaan produk hilir seperti dalam industri makanan, farmaseutikal dan kosmetik.



**Dr Ridzuan Ramli**  
Mesin Ligno-Ripper untuk memproses biojisim sawit bagi menghasilkan gentian pendek

Penanaman pokok sawit di atas tanah seluas 5 juta hektar menghasilkan biojisim sawit sebanyak 80 juta tan setahun. Biojisim sawit terdiri daripada tandan sawit kosong, batang dan pelepas sawit, tempurung, sa-

● Dari muka 7



**Dr Miskandar Mat Sahri**  
Lelemak pastri berasaskan sawit tanpa penghidrogenan



Lelemak pastri komersil biasanya dihasilkan menggunakan minyak yang telah dihidrogenat. Kaedah ini boleh menghasilkan asid lemak trans yang boleh memberikan kesan sampingan kepada kesihatan pengguna. Teknologi yang dihasilkan di MPOB telah berjaya menghasilkan formulasi sihat dari sawit tanpa penghidrogenan. Bahan utamanya ialah minyak sawit, stearin sawit dan isirong sawit yang diadun dan diproses di makmal teknologi makanan MPOB bagi menghasilkan lelemak pastri yang standing sifat fizikalnya dengan hasilan komersil. Ujian akhir dalam pembuatan pastri menunjukkan prestasinya yang lebih baik dari hasilan lelemak komersil. Teknologi pembuatan lelemak tanpa penghidrogenan ini telah sedia untuk dipindahkan kepada usahawan yang berminat bagi tujuan pengkomersian.



**Rafidah Abd Hamid**  
Nuget sayuran (berasaskan soya dan gluten) menggunakan emulsi minyak sawit

Penggunaan lemak haiwan

yang tinggi kandungan asid lemak lepu dalam pemprosesan makanan segera sejuk-beku seperti nuget, burger dan sosej menjaskan mutu pemakanan. Bagi mengelakkan penggunaan lemak haiwan, emulsi berasaskan minyak sawit untuk produk nuget sayuran telah dibangunkan. Aplikasi emulsi dalam tiga jenis nuget sayuran telah berjaya dilakukan. Ketiga-tiga nuget sayuran ini mempunyai kandungan protein dan serat melebihi nuget ayam komersil. Ia diformulasi agar mengandungi cuma 2-2.5% lemak. Sama seperti produk gorengan lain, ia menyerap 10-12% minyak semasa pengorengan biasa. Formulasi ini adalah 100% berasaskan tumbuhan, melainkan jika sedikit perasa ayam digunakan bagi menambah rasa. Produk nuget yang dihasilkan dapat diterima baik oleh orang dewasa dan kanak-kanak.



**Lim Wen Huei**  
Lilin urut daripada terbitan minyak sawit

Lilin urut (massage candle) diperbuat daripada bahan terbitan minyak sayuran merupakan satu produk yang unik, inovatif dan mesra alam. Lilin urut tersebut boleh berfungsi seperti lilin biasa iaitu sebagai sumber bahan api untuk menerangi persekitaran ruang. Akan tetapi fungsi utama lilin urut ini adalah sebagai minyak urut. Produk lilin urut boleh digunakan sebagai minyak urut biasa atau pun beraromaterapi yang bersesuaian untuk seluruh anggota badan.



Bila lilin urut dibakar, ia akan cair dan menghasilkan satu kolam cecair lilin yang suam. Cecair lilin yang terdiri daripada terbitan minyak sawit amat sesuai digunakan untuk mengurut seluruh anggota badan bagi menghilangkan kepenatan dan boleh memelihara kulit. Lilin urut daripada terbitan minyak sawit yang mengandungi campuran bahan aktif aromaterapi dapat memberi efek relaksasi seluruh anggota dan fikiran.



**Dr Nusaibah Syd Ali**  
Kaedah Pengesan Komponen Organik Meruap (VOC) Ganoderma pada peringkat awal penyakit Ganoderma Sawit

Pokok sawit yang diserang Ganoderma sama ada yang muda atau yang telah matang akan menunjukkan gejala-gejala yang hampir sama. Di antara gejala yang telah dikenal pasti ialah kehadiran bintik-bintik kuning pada pelepas bahagian bawah dan diikuti oleh nekrosis.

Selain itu, daun-daun yang baru, akan kelihatan lebih pendek berbanding yang normal dan berklorotik. Fasa yang paling ketara ialah kehadiran basidiokarp pada tungul atau batang pokok perumah.

Apabila penyakit Ganoderma berada pada peringkat kronik, daun-daun pokok sawit tersebut akan menjadi warna kuning secara keseluruhan, pertumbuhan pokok akan terbantut dan daun-daun baru tidak akan terbuka.

Seluruh pelepas-pelepas pokok ini akan mati akibat nekrosis yang bermula dari pelepas yang tua dan seterusnya berkembang menjangkiti pelepas muda. Gejala ini dipanggil pembentukan 'skirt' yang akan menyebabkan pelepas-pelepas terkulai ke bawah menutupi umbun pokok.

Namun begitu, pengesan peringkat awal penyakit Ganoderma pada pokok sawit adalah sangat penting walaupun ia amat sukar dilakukan. Ini adalah kerana gejala luaran penyakit yang disebabkan oleh Ganoderma hanya kelihatan pada fasa sekunder jangkitan tersebut, di mana ia adalah terlalu lewat untuk tujuan rawatan.

Pelbagai teknologi telah diperkenalkan oleh industri bagi tujuan ini, namun tidak ada yang berkesan pada peringkat awal jangkitan. Satu teknologi baru menggunakan alat gas kromatografi-spektrometri jisim (GC-MS) untuk pengesan metabolit-metabolit Ganoderma yang telah dikenal pasti sebagai penanda yang hadir dalam tisu pokok semasa interaksi pokok sawit dengan Ganoderma boleh digunakan sebagai satu metodologi bagi pengesan awal penyakit Ganoderma.

MPOB bersedia untuk memberikan servis kepada pihak industri yang berminat untuk menggunakan metodologi ini sebagai metod pengesan awal penyakit Ganoderma.

**Dr Halimah Muhamad**  
Penentuan Residu Cypermethrin di Dalam Sampel Air dengan Kaedah Kromatografi Gas dengan Pengesan Spektrometer Jisim

Oleh Halimah Muhamad, Najwa Sulaiman, Tan Yew Ai dan Nik Sasha Katrina Khairuddin

Penggunaan cypermethrin dalam ladang kelapa sawit adalah bertujuan untuk mengawal dan mencegah ulat bungkus, kumbang badak dan ulat beluncas. Serangan serangga ini akan menyebabkan kemusnahan pokok sawit, dan seterusnya menyebabkan hasil buah yang menurun.

Namun, penggunaan cypermethrin dalam ladang kelapa sawit secara berterusan boleh menyebabkan kontaminasi residu cypermethrin di dalam air. Oleh yang demikian, kaedah penentuan dan pengesan residu cypermethrin dalam sampel air telah dibangunkan bagi mengkaji kekekalan dan larut lesap cypermethrin di persekitaran sawit.

Cypermethrin adalah sejenis racun serangga dengan nama komersil seperti Aimcocyper, Ambush, Ammo, Cynoff dan Cypercop. Cypermethrin mempunyai kelarutan yang rendah dalam air iaitu sebanyak 0.01 mg/L.

Pembangunan kaedah pengesan residu cypermethrin dalam sampel air menggunakan kaedah pengekstrakan cypermethrin daripada air dengan menggunakan solid phase extraction dan pelarut asetonitril. Pengesan dan kuantifikasi cypermethrin adalah dengan menggunakan kromatografi gas dengan pengesan spekrometer jisim (GC-MSD).



**Dr Halimah Muhamad**  
Penentuan Residu Benomyl di dalam Sampel Air dengan Kaedah Kromatografi Cecair Prestasi Tinggi dengan Pengesan Ultra Ungu

Oleh Halimah Muhamad, Nik Sasha Katrina Khairuddin, Tan Yew Ai dan Idris Abu Seman

Benomyl merupakan sejenis racun kulat sistemik yang digunakan untuk mengawal pelbagai penyakit kulat buah-buahan, kacang, sayur-sayuran dan tanaman ladang. Penggunaan benomyl yang meluas di ladang kelapa sawit boleh menyebabkan kontaminasi residu benomyl di

**Dari muka 8**

dalam air.

Oleh yang demikian, kaedah penentuan dan pengesanan residu benomyl (atau carbendazim) dalam sampel air telah dibangunkan bagi mengkaji dari kekekalan dan larut lesap benomyl di persekutuan sawit.

Benomyl adalah sejenis racun kulat dengan nama komersil Agrodit, Benex, Benlate, Benosan, Fundazol, Fungidice 1991, dan Tersan. Benomyl mempunyai kelarutan yang rendah dalam air, iaitu kira-kira 2 mg/L pada 25°C.

Benomyl dikenali sebagai sebatian yang sangat tidak stabil dan produk degradasi utamanya adalah carbendazim. Oleh itu, analisis Benomyl akan dinyatakan sebagai carbendazim.

Pembangunan kaedah pengesanan residu carbendazim dalam sampel air dibuat melalui kaedah pengekstrakan cecair-cecair menggunakan etil asetat. Pengesan dan kuantifikasi carbendazim adalah dengan menggunakan kromatografi cecair prestasi tinggi dengan pengesan ultra ungu (HPLC-UV).



**Bonnie Tay Yen Ping**

**Kaedah Penentuan kompaun toksik 1,4-dioxane di dalam lemak alcool teretoksilat berasaskan sawit**

Kompoun 1,4-dioxane boleh dihasilkan sebagai produk sampingan polimerisasi etilena oxida semasa proses pengeluaran surfaktan polietoksilat. Polietoksilat seperti lemak alkohol teretoksilat adalah komponen bahan mentah yang biasa digunakan dalam formulasi kosmetik dan dandan diri sebagai pengemulsi, surfaktan, agen pembuuh (foaming) dan penyebar.

Produk kosmetik dan dandan diri berkemungkinan dicevari 1,4-dioxane sekiranya menggunakan bahan teretoksilat di dalam formulasinya. 1,4-dioxane telah dikaitkan dengan kejadian kanser pada haiwan yang telah didehdahkan dengan 1,4-dioxane sepanjang hayatnya walaupun pada tahap kepekatan rendah. Jabatan Kesihatan dan Manusia, USA dan agensi antarabangsa untuk penyelidikan kanser (IARC) telah melaporkan potensi kejadian kanser pada manusia yang terdedah kepada 1,4-dioxane.

Satu kaedah analisis yang cepat dan senang guna telah dibangunkan untuk menentukan

kehadiran 1,4-dioxane pada tahap kepekatan rendah di dalam lemak alkohol teretoksilat menggunakan Kromatografi Gas-pengesanan nyalaan ionisasi. Makmal Analitikal, Bahagian Kemajuan Teknologi Oleokimia, MPOB akan membuat perkhidmatan analisis untuk pengesanan 1,4-dioxane menggunakan kaedah yang dibangunkan ini.



**Mohamed Mazmira Mohd Masri**  
**Analisis Jumlah Karbon dan Nitrogen dalam Kultur Mikrob dan Sampel Cecair**

Kepentingan pengukuran jumlah karbon organik dan inorganik, jumlah nitrogen dan nisbah karbon per nitrogen dalam kultur mikrob telah dilaporkan oleh ramai penyelidik. Data jumlah karbon dan nitrogen dalam sesuatu kultur mikrob boleh digunakan untuk memahami metabolisme mikrob tersebut, penentuan prestasi sistem pengkulturan dan juga pemilihan sumber karbon dan nitrogen yang optima untuk pengkulturan.

Jumlah karbon dan nitrogen dalam sesuatu kultur mikrob juga secara tidak langsung boleh mewakili pertumbuhan dan pembiakan sel kerana karbon adalah unit asas untuk semua hidupan di bumi.

Dalam air kumbahan dan sampel cecair lain, analisis ini juga penting dalam menentukan tahap ketoksikannya terhadap alam sekitar. Dalam sampel cecair, jumlah karbon ditafsirkan sebagai kepekatan semua atom karbon yang terikat secara kovalen kepada molekul organik.

Jumlah nitrogen pula mewakili kesemua sumber nitrogen dalam bentuk cecair seperti nitrat, nitrit dan ammonia. Analisis jumlah karbon dan nitrogen dalam sampel kultur mikrob dan sampel cecair dijalankan menggunakan prinsip 'oxidative combustion-chemiluminescence' dan boleh diukur menggunakan mesin TOC-VCPN (Shimadzu, Japan).

Servis ini menawarkan kaedah yang cepat dan tepat untuk menentukan jumlah karbon, nitrogen dan nisbah karbon per nitrogen dalam kultur mikrob dan juga sampel cecair yang lain.



**Dr Hjh Maria Madon**

**Penggunaan kaedah sitometri aliran untuk mendapatkan haploid sawit semula jadi**

Organisma haploid mempunyai bilangan kromosom gametik (n) dan digunakan dalam kajian pembiakbaikan serta kajian genetik asas dan lanjutan. Ia juga digunakan untuk pengeluaran dwihaplod (2n) di mana bilangan kromosom haploid digandakan menggunakan bahan kimia yang mengganggu pembentukan gelendung tubulin semasa mitosis seperti kolkisin dan oryzalin.

Penggunaan kaedah sitometri aliran membolehkan anak pokok sawit yang dicambah daripada bijibeni abnormal disaring untuk mendapatkan haploid sawit semula jadi. Biji benih cambah sawit abnormal yang diterima diasingkan mengikut 13 jenis abnormaliti, ditanam dan disaring menggunakan kaedah sitometri aliran pada usia lebih kurang tiga bulan.

Kajian yang telah dibuat sebelum ini membolehkan haploid sawit semula jadi didapati walaupun frekuensi ianya berlaku amat rendah iaitu pada 0.5 peratus.

**Benih sintetik sawit**

Benih tiruan atau sintetik ditakrifkan sebagai embrio / tisu terpilih yang terletak di dalam lapisan bahan tertentu yang menyerupai biji zigotik. Lapisan ini boleh berfungsi sebagai endosperm sintetik yang dihasilkan antara lain campuran daripada sumber karbon, nutrien, hormon tumbuhan dan agen anti-mikrob. Salutan sintetik tidak merosakkan embrio/tisu dan memberi perlindungan kepada embrio/tisu daripada kerosakan mekanikal semasa pengendalian serta dapat membolehkan percambahan embrio/tisu berlaku. Protokol untuk penghasian benih sintetik sawit telah dihasilkan dengan menggunakan pelbagai tisu seperti embrio zigotik, agregat embriogenik dan apek pucuk *in vitro*. Secara perbandingan didapati apek pucuk adalah tisu yang terbaik untuk pengeluaran benih sintetik sawit. Ianya mudah bercambah dalam media *in vitro* dan seterusnya berkembang menjadi anak pokok. Benih sintetik sawit ini juga memudahkan penghantaran jarak jauh kultur *in vitro* sawit. Perkhidmatan yang ditarawakan oleh MPOB ialah latihan asas pengapsulan pelbagai tisu bagi pengeluaran benih sintetik sawit.



**Zulina Abd Maurad**

**Inkubator proses oleokimia: Loji Rintis Reaktor Sulfonasi Berfilem (Falling Film Reactor)**

Putus Inkubasi Oleokimia di MPOB dibangunkan bagi menempatkan teknologi-teknologi yang digunakan bagi penghasilan berbagai jenis bahan terbitan oleokimia. Salah satu daripada teknologi tersebut adalah proses sulfonasi metil ester dan lemak alkohol bagi penghasilan bahan aktif dalam detergen.

Teknologi sulfonasi berfilem melalui loji rintis berkapasiti 600 gm sejam ini, membolehkan lapisan filem nipis bahan organik (metil ester) dialirkkan dengan tepat di dinding bahagian dalam tiub dan bertindak balas dengan aliran gas sulfur trioksida. Ia merupakan tindak balas eksotermik di mana tindak balas segera berlaku di antara fasa gas dan lapisan filem cecair organik.

Haba yang terhasil daripada tindak balas akan dipindahkan ke luarkan menerusi jaket penyejuk reaktor. Produk berbentuk asid daripada reaktor akan dialirkkan ke dalam bekas produk. Produk asid tersebut boleh melalui proses pelunturan dan peneutralan bagi menghasilkan surfaktan.

ngan kadar operasi 8 jam/hari dan mampu ditingkatkan mengikut jumlah jam operasi dan juga jumlah acuan sabun. Kemudahan siri mesin pembuatan sabun ini ditawarkan kepada usahawan yang berminat di peringkat pra-pengkomersilan. Proses ini dapat membantu usahawan kecil dan sederhana untuk membangunkan perniagaan di bidang pembuatan sabun.



**Cheong Mei Yee**

**Ujian keberkesaan perlindungan kulit *in vivo* untuk krim penghadang kulit**

Kulit adalah organ manusia yang paling besar. Kulit bertindak sebagai rintangan di antara persekitaran luar dan dalam badan untuk melindungi kesihatan otot dan organ manusia daripada kotoran, jangkitan, geseran dan agen kerengsaan.

Biasanya, formulasi krim penghadang mempunyai bahan hidrofobik seperti silikon, zink oksida atau dimetikon untuk menyeluruh permukaan kulit daripada terkena iritasi.

Produk krim penghadang iritasi ataupun krim perlindungan kulit tidak sepopular krim penghadang matahari mahupun krim anti-kedut, namun kepentingan melindungi kulit daripada bahan kimia tidak boleh diabaikan.

Krim penghadang juga boleh digunakan untuk melindungi kulit sensitif seperti ruam lampin. Jika kulit tidak dilindungi daripada kerengsaan iritasi, maka penyakit kulit seperti dermatitis boleh berlaku.

Produk krim penghadang dan sebegini terdapat dalam pasaran, namun tiada ujian yang boleh membuktikan keberkesaan krim penghadang menangkis agen iritasi yang boleh merosakkan kulit.

Oleh itu, MPOB menawarkan khidmat ujian keberkesaan perlindungan kulit secara *in vivo* untuk membantu pemasaran. Ujian *in vivo* tersebut akan melibatkan 20 orang panel di mana kulit mereka akan disapu dengan produk dan diuji dengan natrium lauril sulfat sebagai agen iritasi. Data seperti kelembapan kulit, kadar kehilangan air dan tonik kemerahan yang menunjukkan tahap iritasi kulit akan dicerap dan analisa statistik akan dilakukan untuk menilai keberkesaan produk.



**Zailan Abu Bakar**

**Inkubator proses oleokimia: Teknologi Pembuatan Sabun**

Putus Inkubasi Oleokimia di MPOB dibangunkan bagi menempatkan teknologi-teknologi yang digunakan bagi penghasilan berbagai jenis bahan terbitan oleokimia. Salah satu daripada teknologi tersebut adalah teknologi pembuatan sabun.

Teknologi pembuatan sabun ini adalah pada skala sederhana yang terdiri daripada mesin penggaul, mesin penggelek, mesin pemadat dengan vakum, pemotongan dan mesin pencetak sabun buku. Kapasiti pengeluaran mesin pembuatan sabun ini adalah sebanyak 1000 buku sabun/hari de-



Datin Paduka Nurmala Abd Rahim menyampaikan ucapan utama bagi pihak Dato Sri Douglas Uggah Embas. Turut kelihatan Tan Sri Dr Yusof Basiron, CEO MPOC (kanan) dan Dato' Lee Yeow Chor, Pengurus MPOC (kiri).

# Seminar dedah perkembangan saintifik terkini

## » Nutrition Week 2013 ketengah peranan positif bioaktif sawit

menjana peluang dan potensi pengkomersialan pasaran. Di samping itu, bioaktif sawit sangat diperlukan di dalam pengeluaran produk nutraceutical dan makanan tambahan untuk kesejahteraan orang ramai.

Mengulas mengenai kelebihan bioaktif sawit, Datin Paduka Nurmala berkata berbanding dengan bioaktif daripada sumber alternatif, ia mengandungi nilai pemakanan yang tinggi, di samping bekalan yang sedia ada dari sumber yang mampan. Bioaktif sawit juga lebih berkesan, sama ada untuk merendahkan kolesterol, meningkatkan kapasiti antioksidan badan atau memerangi kesan awal kanser.

Dengan kesedaran tentang bahaya penyakit seperti kencing manis, jantung dan barah, orang ramai lebih berminat dengan produk yang berpotensi untuk melindungi kesihatan mereka. Orang ramai kini juga lebih peka tentang perkembangan terbaru produk kesihatan yang terdapat di pasaran dan mengamalkan gaya hidup yang sihat untuk menghindari dari penyakit merbahaya.

Turut hadir pada majlis berkenaan adalah Pengurus MPOC, Dato' Lee Yeow Chor dan Ketua Pegawai Eksekutifnya, Tan Sri Dr Yusof Basiron.

Nutrition Week 2013 disertai oleh pengeluar, pengimport dan pengeksport produk nutraceutical dan kosmeseutikal, ahli akademik, pakar kesihatan serta semua yang terbabit di dalam industri nutraceutical dan kosmeseutikal.

### Maklumat terkini

Seminar yang berlangsung selama dua setengah hari itu menampilkan 22 penceramah yang membentangkan kajian dan perkembangan terbaru berhubung kepentingan tokotrienol, karotenoid, phenolik serta minyak sawit.

Dalam ucapan utama yang dibaca oleh Datin Paduka Nurmala Abd Rahim, Ketua Setiausaha Kementerian Perusahaan Perladaan dan Komoditi Malaysia bagi pihak Menteri, beliau berkata bahawa membetulkan salah tanggapan ini amat wajar kerana industri minyak sawit komoditi utama Malaysia yang menambah kehidupan lebih daripada setengah juta rakyat Malaysia secara langsung di dalam industri ini.


Antara produk nilai tinggi yang terhasil daripada penyelidikan minyak sawit termasuk bioaktif sawit iaitu vitamin E tokotrienol, karotenoid sawit dan fenolik sawit. Bioaktif sawit juga

## MINYAK SAWIT MALAYSIA SUMBER TERKAYA VITAMIN E TOKOTRIENOL

### KHASIAT DAN KEBAIKAN TOKOTRIENOL SAWIT

- Membalik pulih saluran arteri yang tersumbat<sup>1</sup>
- Mengurangkan kolesterol di dalam darah dengan memendung penghasilan kolesterol<sup>2,3</sup>
- Membendung penularan sel kanser payudara<sup>4,5,6,7</sup>
- Antioksidan yang 40-60 kali lebih berkesan berbanding tokoferol<sup>8</sup>
- Melindungi kulit dari kerosakan oksidatif yang berpunca dari pancahan UV/ozon<sup>9</sup>
- Berupaya meningkatkan sistem imunisasi badan<sup>10</sup>
- Membendung kemerosotan fungsi sel saraf<sup>11</sup>

#### KANDUNGAN VITAMIN E DI DALAM MINYAK & LELEMOK



# Insentif, bantuan untuk pekebun kecil sawit

Industri sawit adalah komoditi utama dan salah satu penyumbang kepada ekonomi Malaysia. Industri ini menjadi kebanggaan MPOB yang berjaya menerajui transformasi industri sawit ke arah lebih berdaya saing. Peranan semua pihak amat penting bagi memastikan industri terus berdaya maju pada masa akan datang. Tidak ketinggalan sektor pekebun kecil yang berperanan menyumbang kepada pengeluaran buah tandan segara (BTS).

## Penghasilan BTS rendah

Walau bagaimanapun, penghasilan BTS oleh pekebun kecil adalah rendah berbanding dengan penghasilan sektor ladang. Ini menjadi salah satu cabaran MPOB bagi meningkatkan pengeluaran BTS oleh pekebun kecil di seluruh negara.

Justeru, MPOB tanpa jemu membantu dan menggalakkan penduduk luar bandar khasnya bagi menyertai sektor penanaman sawit. Pelbagai dasar, program, insentif dan bantuan disediakan. Antaranya Skim Tanam Baharu Sawit, Skim Tanam Semula Sawit, Skim Insentif Tanam Semula (SITS), Skim Bantuan Benih sawit Berkualiti, Koperasi Penanam Sawit Mampan, Skim Diskaun Cantas, Anugerah Pekebun Kecil, Pensijilan Pekebun Kecil dan Amalan Pertanian Baik. Kesemua ini adalah bagi membantu dan menarik minat pekebun kecil yang sebelum ini tidak terfikir atau bersungguh mengusahakan tanaman sawit.

Banyak faktor yang menyumbang kepada penghasilan BTS yang rendah oleh pekebun kecil. Di antaranya usia pokok yang me-

lebih 25 tahun di mana penghasilan tidak lagi produktif. Kualiti anak sawit yang kurang bermutu, kaedah tanaman tidak mengikut piawaian, penjagaan kebun dibabaikan, pembajaan dan kawalan rumpai dan penyakit yang tidak dikawal sepenuhnya, tidak menggunakan teknologi dan peralatan moden serta kurang pengetahuan dan ilmu. Perkara ini menjadi tanggungjawab MPOB untuk menransformasi sektor pekebun kecil supaya penghasilan lebih tinggi dapat dicapai selain menepati penghasilan minyak sawit mampan dan selamat selaras dengan kehendak pengguna seluruh dunia.

## MPOB bantu pekebun kecil

Di sinilah peranan MPOB diperlukan untuk membantu pekebun kecil. Berjuta ringgit dana disenaraikan. Sebagai contoh, bagi tahun 2011 – 2013, sejumlah RM902 juta diperuntukkan bagi Skim Tanam Baharu dan Tanam Semula Sawit, RM50 juta bagi RSPO, RM5.3 juta untuk SKIDIC, RM100 juta untuk SITS.

Selain itu, kerajaan juga menyediakan bantuan anak benih sawit berkualiti dan input pertanian seperti racun dan baja bagi memastikan mutu tanaman sentiasa terpelihara di samping menjaga aspek pengurusan ladang dan kualiti alam sekitar. Bagi menggalakkan penggunaan peralatan moden seperti mesin pemotong sawit bermotor atau Cantas, MPOB memberikan diskon sebanyak RM1,000 bagi setiap unit Cantas yang dibeli. Alat ini membantu mempercepatkan aktiviti menuai buah sawit.

Selain itu, bantuan dalam ben-

**PEMENANG PERTAMA**  
Muhamad Hazim Syazwan  
Ahmad Ghazali  
(No. K/P: 970304-56-5201)  
Maahad Tahfiz Darul Uloom,  
Bukit Takal, 24000  
Kemaman, Terengganu

tuk khidmat nasihat dan tunjuk ajar oleh pegawai Tunas MPOB amat bermakna kepada pekebun kecil bagi menambah pengetahuan dan penambahbaikan aktiviti penanaman sawit pekebun kecil. Pegawai Tunas membantu pekebun kecil dalam pelaksanaan pensijilan pekebun kecil seperti RSPO secara berkumpulan. Pekebun turut dilatih bagi mempraktikkan Amalan baik Pertanian bagi meningkatkan pengeluaran BTS mampan. Mereka juga giat mengumpul pekebun kecil bagi menyertai Koperasi Penanam Sawit Mampan yang diwujudkan bagi mengekalkan pelaksanaan amalan baik pertanian di samping faedah lain. Koperasi ini dapat memberi penawaran tinggi dalam memasarkan hasil BTS.

Selain itu, sumber dana terkumpul dapat digunakan untuk aktiviti lain yang menjurus kepada peningkatan pendapatan pekebun kecil.

**Insentif rangsang pekebun kecil**  
Sesungguhnya segala insentif dan bantuan di atas telah merangsang pekebun kecil untuk turut berusaha meningkatkan ekonomi keluarga dan negara melalui penghasilan produk sawit mampan yang memenuhi piawaian antarabangsa. Seterusnya membawa pengeluaran sawit berkualiti dan selamat untuk kegunaan pemakanan serta alam sekitar. Tentunya ini menghasilkan pulangan yang lumayan. Secara tidak langsung, ia membantu pencapaian NKEA sawit yang mensasarkan pendapatan industri sawit mencapai RM178 bilion menjelang tahun 2020.

## KUIZ SAWIT siri 30

### Syarat penyertaan

- Penyertaan dibuka kepada pelajar Sekolah Rendah Tahun 1 - 6
- Penyertaan hendaklah disertakan dengan borang dan ditandatangani oleh guru sekolah;
- 10 pemenang yang menjawab dengan betul akan dipilih sebagai pemenang;
- Sekiranya terdapat lebih 10 pemenang, Cabutan Bertuah akan dibuat oleh panel kuiz.
- Keputusan pengadil adalah muktamad
- Jawapan hendaklah sampai selewat-lewatnya pada 21 Jun 2013
- Hantarkan jawapan berserta nama penuh, no. telefon, alamat rumah dan alamat sekolah yang lengkap kepada :

### Ketua Pengarang Berita Sawit

Kuiz Sawit (Siri 30)  
Ibu Pejabat MPOB  
6, Persiaran Institusi,  
Bandar Baru Bangi,  
43000 Kajang, Selangor  
(UP: Noor Asmawati Abdul Samad)

### Soalan Kuiz Sawit Siri 30

1. Maklumat mengenai industri sawit dan MPOB boleh diperolehi melalui laman sesawang?  
 www.mjpb.com.my    www.mpob.gov.my    www.mpob.org.my
2. Biojisim sawit sesuai untuk menghasilkan perabot dan bahan bakar alternatif.  
 Betul    Salah
3. Vitamin E dalam minyak sawit dipercayai dapat melambatkan proses penuaan.  
 Betul    Salah
4. Pokok sawit mulai mengeluarkan hasil seawal usia dua tahun hingga jangka hayat produktif iaitu...  
 10 tahun    15 tahun    25 tahun
5. MPOB mempunyai rangkaian pejabat serantau di negara berikut:  
 Indonesia    Sepanyol    Amerika Syarikat
6. Berikut adalah komoditi yang dipantau di bawah Kementerian Perusahaan Perludungan dan Komoditi kecuali...  
 Sawit    Getah    Petroleum
7. Dalam industri sawit, BTS adalah singkatan bagi...  
 Buah tandan sawit    Buah tandan segar    Buah tanda separa
8. Kaedah berikut yang tidak digunakan bagi pembiakan pokok sawit.  
 Klon    Kultur tisu    Tut
9. Kulat yang menyebabkan penyakit reput pangkal batang pada pokok sawit dikenali sebagai...  
 Lingzhi    Cendawan Tiram    Ganoderma
10. Negara manakah yang menjadi pengimport utama minyak sawit Malaysia?  
 China    Indonesia    Australia

### Borang Penyertaan Siri 30

Nama : _____
Tahap : _____
Alamat Sekolah: _____
Alamat Rumah: _____
No. Tel: _____

### Nama pemenang Siri 29

1. Muhammad Amer Fawwaz Zulkefly  
Sek Keb St Aidan, Batuau, Negeri Sembilan
2. Mohd Rasul Abd Samad  
Sek Keb Ampang, Ampang, Selangor
3. Mohamad Shariffuddin Maskuri  
Sek Keb Teluk Ru, Sabak Bernam, Selangor
4. Nur Afiqah Bahar  
Sek Keb Ayer Baru, Jasin, Melaka
5. Nur Syaqirah Syazliana Rosli  
Sek Keb Lui Selatan (F), Jempol, Negeri Sembilan
6. M. Shamsul Hafiz Mohd Said  
Sek Keb Sri Pinang, Semanggi, Perak
7. Muhammad Aiman Mohd Nazri  
Sek Keb Seliang, Rantau, Negeri Sembilan
8. Farhana Rohaidi  
Sek Keb Paroi, Seremban, Negeri Sembilan
9. Wan Nurain Afiqah Wan Moharani  
Sek Keb Desa Putra, Kajang, Selangor
10. Ching Fei Thing  
Sek Rendah Jenis Keb Cina Yuk Choi, Kuala Krai, Kelantan

## Peraduan Mengarang Esei Berita Sawit Jun 2013

### Syarat Penyertaan:

1. Terbuka kepada pelajar sekolah menengah Tingkatan 1 hingga 5

2. Panjang eseи di antara 450 - 600 patah perkataan

3. Sila nyatakan nama penuh, alamat sekolah, alamat rumah, nombor kad pengenalan, nombor telefon dan sertakan sekeping gambar berukuran pasport (seki-ranya ada)

4. Keputusan juri adalah muktamad

5. Tarikh tutup penyertaan ialah pada 21 Jun 2013

6. Hantarkan penyertaan ke alamat:

Peraduan Mengarang Esei Berita Sawit  
Ibu Pejabat MPOB  
6, Persiaran Institusi,  
Bandar Baru Bangi,  
43000 Kajang, Selangor

Keputusan Peraduan Mengarang Esei Berita Sawit Bulan Mei 2013

### Pemenang:

#### Hadiyah Pertama

Muhamad Hazim Syazwan Ahmad Ghazali  
(No. K/P: 970304-56-5201)  
Maahad Tahfiz Darul Uloom,  
Bukit Takal, 24000 Kemaman, Terengganu

#### Hadiyah Kedua

Nur 'Ain Harun  
(No. K/P: 1222-11-5948)  
SMK Sultan Sulaiman,  
Jalan Sultan Mahmud,  
20400 Kuala Terengganu,  
Terengganu

#### Hadiyah Ketiga

Tiada pemenang

Peraduan Mengarang Esei Berita Sawit terbuka kepada semua pelajar sekolah menengah Tingkatan 1 hingga 5.

Tiga pemenang utama setiap bulan akan menerima;

Hadiyah Pertama : RM250

Hadiyah Kedua : RM200

Hadiyah Ketiga : RM150

Esei yang berjaya mendapat tempat pertama akan disiarkan dalam Berita Sawit keluaran bulan Julai 2013 akan datang.

u/p: Noor Asmawati Abdul Samad (Unit Perhubungan Awam)





**Ketibaan Menteri Perusahaan Perladangan dan Komoditi, Dato Sri Douglas Uggah Embas dan Timbalannya, Datuk Noriah Kasnon di perkarangan Kementerian Perusahaan Perladangan dan Komoditi (MPIC) bagi memulakan tugas disambut oleh Ketua Setiausaha MPIC, Datin Paduka Nurmala Abdul Rahim dan Timbalan Ketua Setiausaha (Komoditi), M. Nagarajan.**



**Ketua Pengarah MPOB, Datuk Dr Choo Yuen May memberi penerangan mengenai produk sawit kepada Menteri Perusahaan Perladangan dan Komoditi, Dato Sri Douglas Uggah Embas ketika melawat pameran MPOB baru-baru ini. Turut kelihatan Datuk Noriah Kasnon (tiga dari kanan) dan Datin Paduka Nurmala Abdul Rahim (kanan).**

**Dato Sri Douglas Uggah Embas mendengar penerangan mengenai sawit** daripada Datuk Dr Choo Yuen May ketika melawat pameran sempena lawatan kerja ke MPOB. Turut kelihatan Datuk Noriah Kasnon (dua dari kanan).



**Lawatan Pengarah Kementerian Perindustrian Ethiopia, Beyene Dandena Chemedu (tiga dari kiri) dan Pengarah United Nations Industrial Development Organization, Pejabat Wilayah Thailand, Chin Pen Chua (dua dari kanan) ke MPOB.**



**Datuk Dr Choo Yuen May menerima sijil pengiktirafan daripada Presiden Pengasas Malaysian Invention and Design Society (MINDS Tan Sri Profesor Dr Augustine Ong, sebagai penghargaan dan mengiktiraf daya kreativiti, inovatif serta sumbangannya dalam bidang penyelidikan sains dan teknologi.**

Datuk Dr Choo Yuen May memberi penerangan kepada Datin Paduka Nurmala Abdul Rahim ketika melawat **pameran MPOB yang diadakan sempena Palm Oil Nutrition Week 2013 anjuran MPOC**. Turut kelihatan Pengurus MPOC, Datuk Lee Yeow Chor (kanan)